

Radøy kommune

Saksframlegg

Saknr	Utval	Type	Dato
012/2017	Formannskapet i Radøy	PS	23.02.2017

Sakshandsamar	Arkivsaknr.:	Dokumentnr.:
Arthur Kleiveland	16/2101	17/2070

Prioritering av tiltak på samferdselssektoren

Saksopplysingar:

Formannskapet og kommunestyret har hatt gode og grundige drøftingar om kva som skal vera Radøy kommune sine strategi- og vegval på samferdselssektoren framover. Kommunestyret har gitt formannskapet i oppdrag å arbeida vidare med saka på bakgrunn av konklusjonar og tilrådingar.

Kommunestyret gjorde 9. februar 2017 følgjande vedtak I sak 05/17:

Formannskapet arbeidar vidare med saka og utarbeidar ei endeleg prioriteringsliste for tiltak på samferdselssektoren på bakgrunn av formannskapet si tilråding og med dei tillegg som vart sett fram i debatten i kommunestyret (KrF, H, SP).

Kommunestyret ber om at denne prioriteringa vert sendt til Nordhordlandspakken AS og til nabokommunane Lindås og Meland.

Kommunestyret gjev ordføraren fullmakt - til saman med ordførarane i Meland og Lindås, til å senda søknad om ytterlegare planmidlar i 2017 for vegprosjektet Radøy-Holsnøy frå kommunereformidlane.

Formannskapet kom 24. januar 2017 med følgjande tilråding til kommunestyret i sak 07/17:

Prioriterte samferdselsprosjekt - tilråding

Prioritet 1:

- Fv. 565 Marås - Tolleshaug inkl. arm til Manger
- Fv. 409 - utbetringstiltak Kolstad-Manger-Bø-Soltveit
- Fv. 565 Alversundbrua

Prioritet 2:

- Sambandet Vest

Planarbeid Radøy - tilråding

- Reguleringsplan for Marås - Tolleshaug med ny arm Namtveit - Kolstad
- Vegutgreiing for fv. 409 Kolstad - Manger - Bø - Soltveit med prioriteringsplan for utbetringspunkt/delstrekningar
- Reguleringsplanar etter behov.

Finansiering - tilråding

- Posisjonering av nye Radøy-prosjekt opp mot Nordhordlandspakken, fase 2:
 - Ny veg Marås - Tolleshaug med arm Namtveit-Kolstad
 - Utbetringstiltak Kolstad - Manger - Bø - Soltveit
- Alversundbru; føreset fylkeskommunal finansiering
- Sambandet Vest: langsiktig prosjekt. Evt deling: arbeida for statleg finansiering av regionalt samband Askøy - Meland og internt samband Meland - Radøy i Nordhordlandspakken - fase 3.

Organisering - tilråding

- Eit aktivitet pådrivarselskap for planlegging og gjennomføring av nye samferdselstiltak i Nordhordland (Nordhordlandspakken AS?)
- Evt dela opp Sambandet Vest i eit pådrivarselskap for ny bru Askøy - Meland inkl. utbetringstiltak på Askøy og eit pådrivarselskap for planlegging av tiltak i Nordhordland (Nordhordlandspakken AS?)
- Finansering av reguleringsplanarbeid for Marås - Tolleshaug inkl. arm Namtveit - Kolstad, gjennom pådrivarselskapet i Nordhordland. Praktisk gjennomføring i tett organisatorisk samarbeid med Statens vegvesen og Hordaland fylkeskommune.
- Evt kommunal finansiering av utgreiing og planlegging av utbetringstiltak Kolstad - Manger - Bø - Soltveit.

Saka vert lagt fram til handsaming i formannskapet, i samsvar med kommunestyrevedtaket.'

Rådmannen sitt framlegg til vedtak:

Rådmannen legg fram saka utan tilråding.

Formannskapet i Radøy - 012/2017

FS - handsaming:

Formannskapet drøfta saka. Det er stor semje å planlegga/regulera utbetring og oppgradering av eksisterande fylkesvegar for å ha regulerte prosjekt som kan realiserast på det tidspunkt Statens vegvesen måtte ha disponible midlar til slike prosjekt. Det er avgjerande å ha godkjende planar for å få noko gjort.

Kenneth Taule Murberg (H) understreka Sambandet Vest-prosjektet "bru Radøy-Holsnøy med tilførselsvegar" må regulerast samtidig med prosjekta i Nordhordlandspakken, slik Normann Sæbø (H) gjorde framlegg om og fekk kommunestyret si godkjenning for i møte 9. februar 2017.

Etter drøftinga i formannskapet sette ordførar Jon Askeland fram følgjande fellesframlegg:

Etter kommunestyret si handsaming i saka, prioriterer formannskapet slik:

Ordføraren følgjer opp overfor SVV/Fylkeskommunen, og melder særleg at Radøy kommunestyre vurderer flytting av arm til Manger til å gå mellom Namtveit og Kolstad som best.

Formannskapet etterlyser eigarmøte i Sambandet Vest, slik at plan- og reguleringsarbeid for samband mellom Radøy og Holsnøy kan prioriterast.

Formannskapet ber ordføraren spørja SVV/Fylkeskommunen til råds om korleis ein skal planleggja prioriteringane på fylkesvegane,- skal me laga heilskapleg plan, eller punktvis utbetringar.

Formannskapet arbeider vidare med saka etter kvart som nye opplysingar ligg føre.

Formannskapet vedtok samrøystes fellesframlegg sett fram i møtet.

FS - vedtak:

Etter kommunestyret si handsaming i saka, prioriterer formannskapet slik:

Ordføraren følgjer opp overfor SVV/Fylkeskommunen, og melder særleg at Radøy kommunestyre

vurderer flytting av arm til Manger til å gå mellom Namtveit og Kolstad som best.

Formannskapet etterlyser eigarmøte i Sambandet Vest, slik at plan- og reguleringsarbeid for samband mellom Radøy og Holsnøy kan prioriterast.

Formannskapet ber ordføraren spørja SVV/Fylkeskommunen til råds om korleis ein skal planleggja prioriteringane på fylkesvegane,- skal me laga heilskapleg plan, eller punktvisse utbetringar.

Formannskapet arbeider vidare med saka etter kvart som nye opplysingar ligg føre.